

# MØTEPROTOKOLL

**Utval:** Formannskapet  
**Møtestad:** Helland hogst sine lokale på Eikelandsheiane industriområde  
**Møtedato:** 28.09.2016 **Tid:** kl.08:30 - 17:00

Innkalling til møtet vart gjort i samsvar med § 32 i kommunelova.  
Saklista og sakspapira vart gjort tilgjengeleg elektronisk 23.09.2016.  
Møtet vart kunngjort på heimesida.

<b>Desse medlemene møtte:</b>	<b>Parti</b>
Anne-Grete Gjerdevik	Ap
Atle Kvåle	Ap
Magne Djuvik	Frp
Aud-May Boge	H
Bjarte Samnøy	Krf
Margunn Yndestad Samnøy	Sp
Mikal Leigland	Sp
Svein Lang	Sp

<b>Forfall</b>	<b>Parti</b>	<b>Møtande varamedlemmer</b>	<b>Parti</b>
Hans Ekeberg	Ap	Helge Mjånes	Ap

## **Møtenotat:**

Mikal Leigland, fekk permisjon og gjekk frå møtet kl 12.10. Han var ikkje tilstade då sak 69/16 vart handsama. Permisjonen var ikkje varsla, og vararepresentant var ikkje kalla inn.

## **Inhabilitet:**

Svein Lang, Sp, var inhabil i sak 64/16. Inhabiliteten var ikkje meldt inn, og vararepresentant var difor ikkje kalla inn.

Mikal Leigland, Sp, var inhabil i sak 66/16. Inhabiliteten var ikkje meldt inn, og vararepresentant var difor ikkje kalla inn.

## **Andre som var tilstades på møtet:**

Assisterande rådmann Elisabeth Farstad som fungerte som rådmann,  
Ansvarleg sekretær Gunn Sissel Teigen

## **Følgjande møte i heile eller deler av møtet:**

Einingsleiar undervisning Anne- Merete Hellebø  
Einingsleiar pleie og omsorg Gro E. Almås  
Einingsleiar barnehage Irene Kvåle Foer  
Einingsleiar teknisk drift Øystein Havsgård  
Einingsleiar samfunnsutvikling, økonomi og service Terje Raunsgard  
Økonomisjef Jarl Ottmar Reinsnes  
Einingsleiar helse, familie og velferd Anne Skagseth  
Spesialrådgjevar Anne-Lise Aaseng

Einingsleiar Bjørnefjorden landbrukskontor Øystein Svalheim

**Hovudtillitsvalde og hovudverneombodet var også invitert til å delta og følgjande møte:**

Svanhild H. Riise, Utdanningforbundet

Siw-Ingrid Kaland, Fagforbundet, Fellesorganisasjonen FO og Musikernes fellesorganisasjon

Marte Bodil Rød Lamp, Norsk sjukepleiarforbund

Linda Ann Lohne, Delta

Kristin Almås, Norsk Fysioterapeutforbund Norsk Ergoterapeutforbund og Norsk ergoterapeutforbund

– NFF – NETF

Synne Stagrim Håve, hovudverneombod

**Orientering:**

Ordfører orienterte om at han ikkje vil bruka setterrådmann i sak om oppfølging av arealplanen då grunnlaget for det no er bortfalt.

**Merknader til innkalling og sakliste:**

Det var ingen merknad til innkalling og sakliste.

Ordfører Atle Kvåle, Ap, leia møtet.

Evt. merknader til protokollen må sendast til Fusa kommune innan 14 dagar.

Eikelandsosen, 03.10,2015

---

Atle Kvåle  
Ordfører

---

Gunn Sissel Teigen  
Ansvarleg sekretær

# Sakliste

<b>Sak nr.</b>	<b>Tittel</b>
058/2016	Godkjenning av møteprotokoll
059/2016	Prosjektrapportering formannskapet 2016
060/2016	Tertialrapport pr. 1.9.2016
061/2016	Handlingsplan for busetjing og integrering av flyktingar i Fusa kommune 2016-2020
062/2016	Planprogram for kommunedelplan for kultur 2016-2027
063/2016	Framlegg til gards- og bygdenamn i Fusa
064/2016	Leige av kommunale kai på Nordtveit - AS Bolaks
065/2016	Selskapsavtale for IKA Hordaland - endringar
066/2016	Søknad om skjenkeløyve - perioden til og med 30.09.2020 - Handelslaget - Patricia på Handelslaget
067/2016	Kommunereforma - vidare arbeid
068/2016	Skriv og meldingar
069/2016	Budsjettprosess - informasjon og drøfting.

## **058/2016: Godkjenning av møteprotokoll**

Møteprotokoll frå møtet 15.09.2016 vert godkjent.

### **Formannskapet 28.09.2016:**

#### **Handsaming:**

Rådmannen sitt framlegg vart samrøystes vedteke.

#### **FOR- 058/2016 Vedtak:**

Møteprotokoll frå møtet 15.09.2016 vert godkjent.

## **059/2016: Prosjektrapportering formannskapet 2016**

### **Rådmannen sitt framlegg til vedtak:**

Reasfaltering av del av Torsneset og veg i Eikelandsheiane industriområde i vert utført i samsvar med prosjektrapporten. Prosjektrapporten vert forøvrig teken til etterretning.

### **Formannskapet 28.09.2016:**

#### **Handsaming:**

Uttaler frå senior- og funksjonsrådet og ungdomsrådet var distribuert ut via iPad og på heimesida.

#### **I prosjekt opprustning vegar – prosjekt 080**

Aud May Boge, H, stilte spørsmål om ho var inhabil då rådmannen har fremja forslag til asfaltering av veg på Eikelandsheiane industriområde. Familien har eigarinteresser i bedrift på Heiane. Ho gjekk frå då dette prosjektet vart handsama. Inhabiliteten var ikkje meldt inn, og det var difor ikkje kalla inn vararepresentant.

Mikal Leigland, Sp, stilte spørsmål om han var inhabil då rådmannen har fremja forslag til asfaltering av veg på Eikelandsheiane industriområde. Han har eigarinteresser i bedrift på Heiane. Han gjekk frå då dette prosjektet vart handsama. Inhabiliteten var ikkje meldt inn, og det var difor ikkje kalla inn vararepresentant.

Det vart ikkje votert over inhabiliteten.

Ordførar Atle Kvåle, Ap, fremja følgjande forslag:

Saka vert sendt vidare til handsaming i kommunestyret utan votering då rådmannen sitt forslag inneheld forslag til endra prioriteringar sett i høve til kommunestyret si prioritering.

Framlegget frå ordførar Atle Kvåle vart samrøystes tilrådd.

**FOR- 059/2016 Vedtak:**

Saka vert sendt vidare til handsaming i kommunestyret utan votering då rådmannen sitt forslag inneheld forslag til endra prioriteringar sett i høve til kommunestyret si prioritering.

**Ungdomsrådet 26.09.2016:****Handsaming:**

Fusa ungdomsråd tok saka samrøystes til etterretning.

**UNG- 037/2016 Vedtak:**

Fusa ungdomsråd tek saka til etterretning.

**060/2016: Tertialrapport pr. 1.9.2016****Rådmannen sitt framlegg til vedtak:**

Rådmannen legg saka fram utan tilråding.

**Formannskapet 28.09.2016:****Handsaming:**

Uttaler frå senior- og funksjonsrådet og ungdomsrådet var distribuert ut via iPad og på heimesida.

Margunn Y. Samnøy, Sp, fremja følgjande felles framlegg frå Ap, Frp, H, Krf, Sp,:

Tertialrapporten viser at Fusa kommune er pressa på tenester og bruker meir enn budsjettet. Samla overforbruk på kr. 4.260.000 er alarmerande. Innsparingstiltaka rådmann føreslår vert ikkje gjennomført. Overforbruk innan Ansvar 2, 4 og 5 vert detta av disposisjonsfond. Dette er overskridingar politisk nivå er varsla om tidlegare. Overforbruk innan ansvar 7 vert ikkje dekkja.

Felles framlegg fremja av Margunn Y. Samnøy, Sp, vart samrøystes tilrådd.

**FOR- 060/2016 Vedtak:**

Tertialrapporten viser at Fusa kommune er pressa på tenester og bruker meir enn budsjettet. Samla overforbruk på kr. 4.260.000 er alarmerande. Innsparingstiltaka rådmann føreslår vert ikkje gjennomført. Overforbruk innan Ansvar 2, 4 og 5 vert detta av disposisjonsfond. Dette er overskridingar politisk nivå er varsla om tidlegare. Overforbruk innan ansvar 7 vert ikkje dekkja.

**Ungdomsrådet 26.09.2016:**

**Handsaming:**

Fusa ungdomsråd tok saka samrøystes til etterretning.

**UNG- 036/2016 Vedtak:**

Fusa ungdomsråd tek saka til etterretning.

## **061/2016: Handlingsplan for busetjing og integrering av flyktingar i Fusa kommune 2016-2020**

**Rådmannen sitt framlegg til vedtak:**

Rådmannen tilrår at kommunestyret:

1. vedtek handlingsplanen slik den føreligg
2. utset vedtaket om busetjing av einslege mindreårige i 2017 til ein har fått ny skriftleg instruks frå Integrerings- og Mangfoldsdirektoratet
3. vedtek bygging/kjøp av fem nye leilegheiter i fyrste omgang, for så å vurdere vidare utbygging eller kjøp i februar 2017
4. set årleg overskot av flyktingetilskot på fond øyremerkta drift av introduksjonsprogram, bufellesskap for einslege mindreårige og andre nødvendige

tenester

#### **Formannskapet 28.09.2016:**

##### **Handsaming:**

Uttaler frå senior- og funksjonsrådet og ungdomsrådet var distribuert ut via iPad og på heimesida.

Framlegget frå rådmannen vart samrøystes tilrådd.

##### **FOR- 061/2016 Vedtak:**

Rådmannen tilrår at kommunestyret:

1. vedtek handlingsplanen slik den føreligg
2. utset vedtaket om busetjing av einslege mindreårige i 2017 til ein har fått ny skriftleg instruks frå Integrerings- og Mangfoldsdirektoratet
3. vedtek bygging/kjøp av fem nye leilegheiter i fyrste omgang, for så å vurdere vidare utbygging eller kjøp i februar 2017
4. set årleg overskot av flyktingetilskot på fond øymerka drift av introduksjonsprogram, bufellesskap for einslege mindreårige og andre nødvendige tenester

#### **Ungdomsrådet 26.09.2016:**

##### **Handsaming:**

Fusa ungdomsråd tek saka samrøystes til etterretning.

##### **UNG- 047/2016 Vedtak:**

Fusa ungdomsråd tek saka til etterretning.

## **062/2016: Planprogram for kommunedelplan for kultur 2016-2027**

##### **Rådmannen sitt framlegg til vedtak:**

Fusa kommune vedtek med heimel i Plan- og bygningslova § 11-13 framlegg til Planprogram for Kommunedelplan for kultur 2016-2027, slik det ligg føre i utkast dagsett 29.6.2016

Siste setninga i punkt 4.4 Kommunereforma, får slik ny ordlyd:

Sjølv om det er gjort vedtak om å gå saman med Os kommune i ein ny storkommune frå 1.1. 2020, vil kulturplanen uansett vera eit nyttig styringsverktøy og eit godt utgangspunkt for eit vidareført planarbeid i ein ny og større kommune.

### **Formannskapet 28.09.2016:**

#### **Handsaming:**

Uttaler frå senior- og funksjonsrådet og frå ungdomsrådet var distribuert ut via iPad og på heimesida.

Framlegget frå rådmannen vart samrøystes tilrådd.

### **FOR- 062/2016 Vedtak:**

Fusa kommune vedtek med heimel i Plan- og bygningslova § 11-13 framlegg til Planprogram for Kommunedelplan for kultur 2016-2027, slik det ligg føre i utkast dagsett 29.6.2016

Siste setninga i punkt 4.4 Kommunereforma, får slik ny ordlyd:

Sjølv om det er gjort vedtak om å gå saman med Os kommune i ein ny storkommune frå 1.1. 2020, vil kulturplanen uansett vera eit nyttig styringsverktøy og eit godt utgangspunkt for eit vidareført planarbeid i ein ny og større kommune.

### **Ungdomsrådet 26.09.2016:**

#### **Handsaming:**

Fusa ungdomsråd tok saka samrøystes til etterretning.

### **UNG- 038/2016 Vedtak:**

Fusa ungdomsråd tek saka til etterretning.

## **063/2016: Framlegg til gards- og bygdenamn i Fusa**

### **Rådmannen sitt framlegg til vedtak:**

Fusa kommune vedtek namneforma Øvre Hålandsdal som grendenamn med heimel i § 5 i Lov om stadnamn.

Med heimel i § 6 i Lov om stadnamn vil Fusa kommune gje slik tilråding for fastsetjing av namneform for gnr 51 og gnr 125 i Fusa kommune:



Fusa kommune ser ikkje nokon grunn til å endra den namnebruken som i dag er innarbeidd og vil rå til at Abotnes vert vald som namneform for gardsnr 125.

Fusa kommune vil rå til at namnet på gardsnr 125 vert Tjønn. Dette er både ei dialaktnær, men samstundes ei normalisert form.

#### **Formannskapet 28.09.2016:**

##### **Handsaming:**

Framlegget frå rådmannen vart sanrøystes tilrådd.

#### **FOR- 063/2016 Vedtak:**

Fusa kommune vedtek namneforma Øvre Hålandsdal som grendenamn med heimel i § 5 i Lov om stadnamn.

Med heimel i § 6 i Lov om stadnamn vil Fusa kommune gje slik tilråding for fastsetjing av namneform for gnr 51 og gnr 125 i Fusa kommune:

Fusa kommune ser ikkje nokon grunn til å endra den namnebruken som i dag er innarbeidd og vil rå til at Abotnes vert vald som namneform for gardsnr 125.

Fusa kommune vil rå til at namnet på gardsnr 125 vert Tjønn. Dette er både ei dialaktnær, men samstundes ei normalisert form.

#### **064/2016: Leige av kommunale kai på Nordtveit - AS Bolaks**

##### **Rådmannen sitt framlegg til vedtak:**

Kommunen leiger bort kaien på Nordtveit til AS Bolaks fram til 30.09.2017.

Leigesum vert sett til kr 45 000, inklusiv leige for mellombels bruk frå 15.08.2016. Leige vert kravd inn med ein halvdel i oktober 2016 og ein halvdel i januar 2017.

AS Bolaks må forplikta seg til at kaien blir tilgjengeleg for fraktefartøy som treng kaien til lossing eller lasting. Del av området bak kaien må også vera tilgjengeleg til bruk som snuplass for store kjøretøy. Lagring av utstyr på land må gjennomførast på ein trygg måte.

#### **Formannskapet 28.09.2016:**

##### **Handsaming:**

Svein Lang, Sp, reiste spørsmål om han var inhabil då han hadde førebudd saka som styreleiar i Fusa utviklingssselskap. Han gjekk frå. Inhabiliteten var ikkje meldt

inn, og det var difor ikkje kalla inn vararepresentant. Framlegget frå ordførar Atle Kvåle, Ap, - om at Svein Lang var inhabil – vart samrøystes vedteke. Jf. kommunelova § 40 nr 3, jf. forvaltningslova § 6 1 og 2. ledd.

Framlegget frå rådmannen vart samrøystes vedteke. (8 røyster)

**FOR- 064/2016 Vedtak:**

Kommunen leiger bort kaien på Nordtveit til AS Bolaks fram til 30.09.2017.

Leigesum vert sett til kr 45 000, inklusiv leige for mellombels bruk frå 15.08.2016. Leige vert kravd inn med ein halvdel i oktober 2016 og ein halvdel i januar 2017.

AS Bolaks må forplikta seg til at kaien blir tilgjengeleg for fraktefartøy som treng kaien til lossing eller lasting. Del av området bak kaien må også vera tilgjengeleg til bruk som snuplass for store kjøretøy. Lagring av utstyr på land må gjennomførast på ein trygg måte.

**065/2016: Selskapsavtale for IKA Hordaland - endringar**

**Rådmannen sitt framlegg til vedtak:**

Kommunestyret godkjenner Selskapsavtale for IKA Hordaland IKS, gjeldande fra 1.1.2017.

**Formannskapet 28.09.2016:**

**Handsaming:**

Framlegget frå rådmannen vart samrøystes tilrådd.

**FOR- 065/2016 Vedtak:**

Kommunestyret godkjenner Selskapsavtale for IKA Hordaland IKS, gjeldande fra 1.1.2017.

**066/2016: Søknad om skjenkeløyve - perioden til og med 30.09.2020 - Handelslaget - Patricia på Handelslaget**

**Rådmannen sitt framlegg til vedtak:**

Med heimel i alkohollova gjev Fusa kommune skjenkeløyve til Patricia Da Rosa Viera – på følgjande vilkår:

Serveringsstaden sitt namn:	Handelslaget – Patricia på Handelslaget
Adresse:	5643 Strandvik
Tidsrom for løyvet:	14.10.2016 – 30.09.2020
Løyvehavar:	Patricia Da Rosa Viera f. 04.04.86 – (org.nr. 915273106 (enkeltpersonføretak Patricia Da Rosa Viera )–

Styrar for løyvet:	Patricia Da Rosa Viera –
Avløysar	Magnhild Nordtveit f 1970
Forretningskonsept –	Cafe, restaurant Jf. søknad av 08.07.16
Forretningslokalet sitt areal	Jf søknad av 08.07.16.
Alkoholvare og skjenketid:	Alkoholhaldig drikk gruppe 1 og 2 (Øl, vin) frå kl 13.00 – 01.30, jf. elles §4-4 og kommunale retningslinjer Alkoholhaldig drikk gruppe 3 (Brennevin) frå kl 13.00 – 00.30, jf. elles §4-4 og kommunale retningslinjer. Lukketid vert ein halv time etter at skjenketida er slutt; kl 02.00. Etter kl 01.00 kan det ikkje sleppast inn nye gjester. Skjenketid for uteservering: Gruppe 1, 2 og 3 fram til kl 0030, fortærings- og stengetid til kl 0100. Jf. elles §4-4 og kommunale retningslinjer.
Omfang:	Alminneleg løyve
Løyvegebyr:	Vert fastsett i samsvar med forskrift heimla i alkohollova §7-1

Skjenkeløyvet vert gitt under føresetnad av at nødvendig godkjenning frå m.a. mattilsynet og brannvernmyndigheter til ei kvar tid foreligg.

Vandelskrava i alkohollova er vesentleg skjerpa f.o.m. 01.01.98. Dette vil m.a. kunna føra til at løyve vert inndrege dersom vilkåra i §1-7 b ikkje lenger er oppfylt, eller dersom løyvehavar ikkje oppfyller sine plikter etter alkohollova eller reglar gitt med heimel i den.

Dersom løyvehavar ynskjer å endra driftskonseptet, må han innhenta godkjenning av kommunen.

Sluttar styrar og/eller avløysar for styrar, må løyvehavar straks søkja om godkjenning av ny styrar/avløysar.

Løyvet skal utøvast i samsvar med vilkår og gjeldande regelverk, jfr. alkohollova §4-7 med forskrifter. Jf. også retningslinjer i rusmiddelpolitisk handlingsplan m.a. pkt 8 nr 3.1 – 3.4 Vi føreset at løyvehavar er kjent med lova, forskriftene og retningslinjer i rusmiddelpolitisk handlingsplan og dei plikter som fylgjer av desse. Ein gjer for ordens skuld merksam på at skjenkeløyve føreset at skjenkestaden har serveringsløyve og at skjenkeløyve difor føreset at serveringsløyve til ei kvar tid gjeld. Løyvet vil og kunne inndragast dersom andre godkjenningar for verksemda ikkje lengre gjeld.

Grunngjeving: Vedtaket er gjort i samsvar med retningslinjene i ny rusmiddelpolitisk handlingsplan.

**Formannskapet 28.09.2016:**

**Handsaming:**

Mikal Leigland, Sp, spurte om han var inhabil då avløyser er sambuaren hans. Han gjekk frå. Inhabiliteten var ikkje meldt inn, og det var difor ikkje kalla inn vararepresentant. Framlegget frå ordførar Atle Kvåle, Ap, - om at Mikal Leigland var inhabil – vart samrøystes vedteke. Jf. kommunelova § 40 nr 3, jf. forvaltningslova § 6 2. ledd.

Framlegget frå rådmannen vart samrøystes tilrådd. (8 røyster)

#### **FOR- 066/2016 Vedtak:**

Med heimel i alkohollova gjev Fusa kommune skjenkeløyve til Patricia Da Rosa Viera – på følgjande vilkår:

Serveringsstaden sitt namn:	Handelslaget – Patricia på Handelslaget
Adresse:	5643 Strandvik
Tidsrom for løyvet:	14.10.2016 – 30.09.2020
Løyvehavar:	Patricia Da Rosa Viera f. 04.04.86 – (org.nr. 915273106 (enkeltpersonføretak Patricia Da Rosa Viera )–
Styrar for løyvet:	Patricia Da Rosa Viera –
Avløyser	Magnhild Nordtveit f 1970
Forretningskonsept –	Cafe, restaurant Jf. søknad av 08.07.16
Forretningslokalet sitt areal	Jf søknad av 08.07.16.
Alkoholvare og skjenketid:	Alkoholhaldig drikk gruppe 1 og 2 (Øl, vin) frå kl 13.00 – 01.30, jf. elles §4-4 og kommunale retningslinjer Alkoholhaldig drikk gruppe 3 (Brennevin) frå kl 13.00 – 00.30, jf. elles §4-4 og kommunale retningslinjer. Lukketid vert ein halv time etter at skjenketida er slutt; kl 02.00. Etter kl 01.00 kan det ikkje sleppast inn nye gjester. Skjenketid for uteservering: Gruppe 1, 2 og 3 fram til kl 0030, fortærings- og stengetid til kl 0100. Jf. elles §4-4 og kommunale retningslinjer.
Omfang:	Alminneleg løyve
Løyvegebyr:	Vert fastsett i samsvar med forskrift heimla i alkohollova §7-1

Skjenkeløyvet vert gitt under føresetnad av at nødvendig godkjenning frå m.a. mattilsynet og brannvernmyndigheter til ei kvar tid foreligg.

Vandelskrava i alkohollova er vesentleg skjerpa f.o.m. 01.01.98. Dette vil m.a. kunna føra til at løyve vert inndrege dersom vilkåra i §1-7 b ikkje lenger er oppfylt, eller dersom løyvehavar ikkje oppfyller sine plikter etter alkohollova eller reglar gitt med heimel i den.

Dersom løyvehavar ynskjer å endra driftskonseptet, må han innhenta godkjenning av

kommunen.

Sluttar styrar og/eller avløyssar for styrar, må løyvehavar straks søkja om godkjenning av ny styrar/avløyssar.

Løyvet skal utøvast i samsvar med vilkår og gjeldande regelverk, jfr. alkohollova §4-7 med forskrifter. Jf. også retningslinjer i rusmiddelpolitisk handlingsplan m.a. pkt 8 nr 3.1 – 3.4 Vi føreset at løyvehavar er kjent med lova, forskriftene og retningslinjer i rusmiddelpolitisk handlingsplan og dei plikter som fylgjer av desse. Ein gjer for ordens skuld merksam på at skjenkeløyve føreset at skjenkestaden har serveringsløyve og at skjenkeløyve difor føreset at serveringsløyve til ei kvar tid gjeld. Løyvet vil og kunne inndragast dersom andre godkjenningar for verksemda ikkje lengre gjeld.

Grunngjeving: Vedtaket er gjort i samsvar med retningslinene i ny rusmiddelpolitisk handlingsplan.

## **067/2016: Kommunereforma - vidare arbeid**

### **Rådmannen sitt framlegg til vedtak:**

Fusa kommunestyre vedtar at det vert sett ned ei styringsgruppe for kommunereforma for kommunane Os og Fusa fram til fellesnemnda er vald hausten 2017. Styringsgruppa har følgjande samansetting frå dei to kommunane:

- Ordførar
- Varaordførar
- Politkar frå opposisjon
- Rådmann
- Tillitsvald

Styringsgruppa sitt mandat er å starta dei nødvendige prosessane fram mot etablering av ei fellesnemnd i 2017. I tillegg er det hensiktsmessig at styringsgruppa starter eit arbeid knytt til nøkkelfunksjonar for samanslåingsprosessen.

### **Formannskapet 28.09.2016:**

#### **Handsaming:**

Uttale frå ungdomsrådet var distribuert ut via iPad og på heimesida.

Bjarte Samnøy, Krf, fremja felles framlegg til vedtak frå Høgre, Kristelig Folkeparti og Senterpartiet.

Fusa kommunestyre vedtar at det vert sett ned ei styringsgruppe som skal arbeida vidare med Kommunereforma for kommunane Fusa og Os fram til fellesnemnaren er vald hausten 2017. Styringsgruppa skal ha følgjande samansetting frå Fusa:

Ordførar Atle Kvåle

Svein Lang SP  
Aud May Boge H  
Rådmann Elisabeth Farstad  
Tillitsvald Linda A. Lohne

Styringsgruppa sitt mandat er å starta dei nødvendige prosessar fram mot etablering av ei fellesnemnaren i 2017. I tillegg er det hensiktsmessig at styringsgruppa startar eit arbeid knytt til nøkkelfunksjoner for samanslåingsprosessen.

Framlegget frå Bjarte Samnøy vart tilrådd med 5 røyster. ( 1 H, 1 Krf, 3 Sp)  
Framlegget frå rådmannen fekk 4 røyster. (3 Ap, 1 Frp).

**FOR- 067/2016 Vedtak:**

Fusa kommunestyre vedtar at det vert sett ned ei styringsgruppe som skal arbeida vidare med Kommunereforma for kommunane Fusa og Os fram til fellesnemnaren er vald hausten 2017. Styringsgruppa skal ha fylgjande samansetting frå Fusa:

Ordførar Atle Kvåle  
Svein Lang SP  
Aud May Boge H  
Rådmann Elisabeth Farstad  
Tillitsvald Linda A. Lohne

Styringsgruppa sitt mandat er å starta dei nødvendige prosessar fram mot etablering av ei fellesnemnaren i 2017. I tillegg er det hensiktsmessig at styringsgruppa startar eit arbeid knytt til nøkkelfunksjoner for samanslåingsprosessen.

**Ungdomsrådet 26.09.2016:**

**Handsaming:**

Ungdomsrådet samla seg om slik samrøystes uttale: Ungdomsrådet tek saka til etterretning, men vil samstundes etterlysa korleis ein skal involvera ungdom og ivareta ungdommen sine interesserer i den vidare samanslåingsprosessen. Bør ungdomsrådet vera representert i styringsgruppa, i den komande fellesnemnda eller på andre måtar?

**UNG- 046/2016 Vedtak:**

Ungdomsrådet tek saka til etterretning, men vil samstundes etterlysa korleis ein skal involvera ungdom og ivareta ungdommen sine interesserer i den vidare samanslåingsprosessen. Bør ungdomsrådet vera representert i styringsgruppa, i den komande fellesnemnda eller på andre måtar?

## **068/2016: Skriv og meldingar**

Skriv og meldingar vert teke til etterretning.

### **Formannskapet 28.09.2016:**

#### **Handsaming:**

Rådmannen sitt framlegg vart samrøystes vedteke.

#### **FOR- 068/2016 Vedtak:**

Skriv og meldingar vert teke til etterretning.

## **069/2016: Budsjettprosess - informasjon og drøfting.**

### **Rådmannen sitt framlegg til vedtak:**

Saka vert lagt fram utan tilråding.

### **Formannskapet 28.09.2016:**

#### **Handsaming:**

Uttaler frå senior- og funksjonsrådet og ungdomsrådet var distribuert ut via iPad og på heimesida.

Mikal Leigland, fekk permisjon og gjekk frå møtet kl 1210.

Han var ikkje tilstades då sak 69/16 vart handsama. Permisjonen var ikkje varsla og vararepresentant var difor ikkje kalla inn.

Administrasjonen orienterte og svara på spørsmål.

Notat vart delt ut og gjennomgått i møtet.

Felles forslag frå Ap, Frp, H, Krf, Sp, til vedtak vart samrøystes vedteke:

Rådmannen blir bedt om å legge fram et budsjett i balanse.

Formannskapet er positive til å utrede nytt helsesenter påLeiro.

Formannskapet vedtar full barnehage dekning fra 1 januar 2017 og ansette

nødvendig personale innenfor eksisterende bygningsmasser.

Formannskapet ber rådmannen utrede nødvendige investeringer ved Nore Fusa Skule og Ungdomsskolen.

Formannskapet ber rådmannen lage prosjekt vedrørende bu og næringsområder.

**FOR- 069/2016 Vedtak:**

Rådmannen blir bedt om å legge fram et budsjett i balanse.

Formannskapet er positive til å utrede nytt helsesenter på Leiro.

Formannskapet vedtar full barnehage dekning fra 1 januar 2017 og ansette nødvendig personale innenfor eksisterende bygningsmasser.

Formannskapet ber rådmannen utrede nødvendige investeringer ved Nore Fusa Skule og Ungdomsskolen.

Formannskapet ber rådmannen lage prosjekt vedrørende bu og næringsområder.

**Ungdomsrådet 26.09.2016:**

**Handsaming:**

Fusa ungdomsråd tek saka samrøystes til etterretning.

**UNG- 048/2016 Vedtak:**

Fusa ungdomsråd tek saka til etterretning.